

NAMIBIA SENIOR SECONDARY CERTIFICATE

FIRST LANGUAGE OSHIKWANYAMA ORDINARY LEVEL **4105/3**

PAPER 3 Literature

2 hours

Marks 60

2020

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section A **Poetry**, **one** from Section B **Prose** and **one** from Section C **Drama**. Of the three answers, **one** must be an essay.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

OMALOMBWELO NOMAUYELELE KOVAHONGWA

- Nyola omanyamukulo oye mEmbo lOmanyamukulo olo wa pewa.
- Nyola Onomola yOsenda, Onomola yEkonakono nEdina loye kEmbo loye lOmanyamukulo.
- Nyola nopena imbulau ile ilaula.
- Ino longifa okadimifo komeva.
- Nyamukula omapulo **atatu**, **limwe** okudja mEtukulwa la-A l**Outevo**, **likwao** okudja mEtukulwa la-B l**Eeprosa nalikwao** otali di mEtukulwa la-C l**Eedrama**. Epulo **limwe** lomwaa atatu nali kale ekwakhokololwa.
- Kotokela esipelo loitya, elongifonawa loileshifo netungo lomatumbulo.
- Omwaalu waitwa owa yandjwa moikondekifombine [] konima yepulo keshe ile yoshitukulwa shepulo.

This document consists of **10** printed pages and **2** blank pages.



Republic of Namibia
MINISTRY OF EDUCATION, ARTS AND CULTURE

ETUKULWA A: OUTEVO

Metukulwa omu hoolola mo epulo **limwe** alike.

- 1 Lesha nawa okatevo taka shikula ka kufwa **mOmatevelo 4 ku A. L. Nghifikua**, ndee to nyamukula omapulo taa ka pulwa kuko.

Ounyuni wonena

Hatu ende hatu u omapoli
Hatu kumuka itatu kofa
Hatu ende hatu lipopile
Hatu lombwele oixwa
Omolwounyuni wa pindjala
Ngefuta moshikungulu
Woo unyuni wonena.

Mandume okwa tile kau li nawa
Vati eshi shi u li nawa oshivanda
Ile shapu omuti womulumbuti
Omuti wakula ihau udu dula
Wa nyenga oikungulu nomafundja
Ndele omunhu weemhadi ke u li nawa
Woo unyuni wonena.

Ounyuni wa ninga embwida
Longhalo tai halukifa
Ounyuni Nanghali koshi
Oshilongo ombwa yaNelenge
Ounyuni wa dundakana nainai
Wa ngolyauka ngoluvinga loholongo
Woo unyuni wonena.

Mafiku ongatu hale tu ninge oivanda
Ile tu shituke omiti domilumbuti
Tu kale nawa unyuni ou wa dundakana
Tuhe na oumbada itatu tilifwa
Twa mwena itatu dengwadengwa
Tu u li nawa twa fa oivanda
Woo unyuni wonena.

Ovapangeli vounyuni ova tyololoka
Ovaleli voilongo va teka omukumo
Ounyuni owe va twimina
Kave wete eshi tava li po
Noshombwa oshe va nyenga
Ounyuni lupanda lahonde limwe lamaadi
Woo unyuni wonena.

Ounyuni weenghali di li mondjato
Efyo la fa ashike oudano
Ohatu ende ombobo mokupenduka
Shaashi da ninga davendji
Ounyuni otau tondoka wa finda oko
Ndele novanhu katu na vali efimbo
Woo unyuni wonena.

Omuhepeki nomuhepekwa kave lishii
Inava hala okushakena va ninge ombili
Otava ti ashike nai kawe nomulondi
Ou wa popyo oo wa efela mwene
Omaadi ihaa lilwa peke lamukweni
Vo kave shii kutya ihae lililwa ohaa hena
Woo unyuni wonena.

Kalunga omutekuli wetu opo e li
Pamba omwaameni wetu e tu wete
Namhongo he tu kuminine nawanawa
He tu ongele noshisho e dule keshe
He tu amene koiponga notwa kofa
Itatu tilifwa kounyuni wonena
Nande ohatu lili unyuni wonena.

Pamba ohe tu holeke momavava aye
He tu kaleke twa amenwa alushe
Oye omwaameni muwa iha kofa
E dule ovaameni ava tu wete
Ava hava amene tava denge
Ava vehe shii kutya otava li ko shavo
Wo unyuni owamukweni naave yo.

(Job P. Nghatanga)

- (a) Omolwashike omutevi a longifa eendululo kexulilo lostanza yotete fiyo onhiheyali mokatevo aka? Shi yelifa. [2]
- (b) Omutevi okwa hala oku tu hongwa shike eshi a longifa oitumbula ei mokatevo: Shi koleka.
- (i) “Hatu lombwele oixwa.” [2]
- (ii) “Omaadi ihaa lilwa peke lamukweni.” [2]
- (c) Omutevi okwa longifa ngahelipi oukwamhepo, opo e tu etele pouyelele etumwalaka lokatevo kaye? Yandja oitwa **ivali** ndele to shi koleke. [4]
- (d) Hokolola kutya omushangi okwa longifa ngahelipi elaka, opo e tu etele pouyelele exuku lokatevo kaye. Shi koleka. [10]
- [20]

ILE

- 2 Lesha okatevo aka ka kufwa **mOifala noikuko ku J. Nghishiilenhapo**, ndele to nyamukula epulo tali ka pulwa kuko.

Omulunga tau lili omumwahodi

Omulunga tau nyenyeta,
Omahodi taa pololoka,
U li ofika wa fa wa kanghwa,
Wa nyengwa 'kukwena moule,
Shaashi oshinim' osha kula.

Omahodi ngaa nee taa di mo,
Wa nyengwa okuhekumuna,
Tau popil' ashike momwenyo'
Akutu hewa fy' omilunga,
Oshike twa ning' omunhu,
Shihe fi mbela nokufutwa?

Oshike twa ninga hano?
Tu dul' okuya moikoya,
Ku ningwe nand' oihokolola,
Tu ka taingale ngaa nee,
Shamha ngaho twa uda nawa,
Eshi twa nyonen' omunhu.

Onda ning' omafiku nda pwaalala,
Hai tale vakwet' eshi va ningwa,
Hai ti mongul' aame ndi li ko,
Shilishili naame nda yukiwa,
Ku na naau to pula,
Shipu u xukul' ehodi.

Vanhu vaKalunga nyee,
Oshike twa ninga hano?
Kamu shi ku tu fil' onghenda?
Natiili hatu ku ifana,
Tatekulu u tu popile,
Oshiponga eshi u shi hanyene.

Hokolola nghene omushangi a longifa enhupeko mokweeta pouyelele etumwalaka lokatevo kaye.

Shi ninga noitya **250 – 300**.

[20]

ETUKULWA B: EEPROSA

Moshitukulwa eshi nyamukula mo epulo **limwe** alike la kufwa m**Olupafu la twa eisho** ku **P.N. Hamutenya** ile mu**Wanashipolo a ya nomwenyo mofuka** ku **T.N. Shakujungua**.

3 Olupafu la twa eisho ku P.N.Hamutenya

Dlamini okwa li a hafela unene eume laye eshi tali ka mona omuvaleki walo, nokwa ya komuhona waye, a ka indile okafudo, opo a ye pamwe nakaume kaye kOwambo. Okwa lombwela yo Veino aha mbadapale kombinga yomahooli omotuwa okuya nokwaaluka, shaashi oye te a tula mo.

MooHailaula omwa li mwa dungwa, shimwe to nyengwa. Ovanhu ove ya polupale, opo va nwe omalodu avo. Konima yokunwa, Haikova naNdevakwanghele ova shuna kOnanghulo. Okwa li va udafana nomunangeshefa Kashela, va shakene opo va londeke eengobe. Ova hanga Kashela e ya nale. Ova londeka eengobe nhee, ndele tava i. Veino onghee a uhala a tila, ta ti pamwe oyoonda yaye itai tambulwa, ashike kaume kaye Dlamini opo a li te mu kumike aha kale e na oubada washa. Kristine okwa li a hafa eshi a mona eengobe nhee tadi di motuwa yaKashela. Meme Ndevakwanghele eshi a alukila keumbo okwa pa Veino onhumwafo ya dja kuKristine. Veino eshi a lesha mo okwa li te limemesha a finda monduda, walye kutya oshike sha tongwa mo.

Eshi pa pita omafiku onhumba, Veino naDlamini ova ya kEndola, opo va ka nyolife ohango. Ova ya naKristine koshinyanga sheongalo laNdola. Omufitaongalo okwa li a hafa unene, shaashi Kristine okwa li okakadona okalineekelwa.

Veino ova djala eeshuta davo naDlamini opo va ye kongeleka. Ova enda ongula lela, opo va hange ovafuko inava ya mongeleka. Konima yeudifo, omufita okwa ingida yo omahombolo ta ti: “Ope na ovanyasha vavali va hala okudika ohombo yavo yopakriste ovo nee, Kristine yaHailaula naVeino yaHaihambo wokeongalo kEembaxu, otava ingidwa nena lwotete. Ovafuko fikameni eongalo li mu tale.” Kristine ova fikama aveshe naVeino. Omufitaongalo okwa twikila ko kutya, ohombo yavo otai yapulwa mEtine omafiku eshi taa ka kala 15 Desemba.

Lavinia okwa li a eta po ondunge, opo Kristine a tungilwe okapangelo pomukunda, shaashi kakwa li a hafela Kristine ha ka longa manga kOshakati. Ondunge yaye oya itavelwa, ndele Kristine ta tungilwa okapangelo pomukunda. Meme Lavinia okwa kala nee ha i kokapangelo a twaalele oshitenya oshikundu ye ta pwilikine omaudu ovahakulwa nonande Kristine a ninga onghendabala yoku mu kaleka kokule neenghundafana daye novanaudu.

Efiku limwe Kristine manga a ya kokapangelo, inamweno okwa ya kukahewa kaye Nadula. Ova hovela nee okuya meenghundafana ngaashi tashi shikula:

Lavinia: Monawange oshitenya shange oshi na okanya. Mafiku aa osha lombwela nge vati osha hakula omunhu ta vele okandongo. Oinima i li ngaho ame ondi shii ihai tongwa. Ame onda tila nokuli ngaashi ndi li ngaha.

Nadula: Hamba omunhu okwa pota? Omunhu ta ti ota vele okandongo, hamba ke fi Ndalulile wopufye? Ngeenge oNdalulile ota vele oupundjafina.

Lavinia: Oye naanaa oo. Oshitenya shange mboli kashi fi omunhu. Omumwange nde mu fimaneka, nda li ndi shii ota mono omunhu hatu dulu okuudafana, fye hatu popi oiholekwa yetu.

Lavinia edi okwe ke di tya muVeino nokwe mu heka, opo a denge Kristine. Veino efiku olo okwa ifana Kristine a endelele e mu pe ouvalelo. Mokunyamukula, Veino okwe mu tendula ashike nomanghava. Meme Lavinia okwe ke uya nee konima yefimbo te litangunifa, ndele ta twala Kristine monduda nokonima eshi a aluka mo, okwa pita puVeino, ndele te mu nongofolele kutya ina yolifa nande Kristine, shaashi okwa lunduka. Osho ngaho Veino a ka konga ombili komukulukadi waye kokapangelo ongula, ndele tava tokola va ka tunge eumbo lavo. Mwene womukunda Shaamha okwe va pa edilopya olo la futwa kuKristine eedola omafele ahetatu. Kristine okwa yandja yo oimaliwa kuVeino a ka lande oipeleki, oyo va dengela nayo ongulu yakula meumbo.

Efiku limwe meme Lavinia okwa etelwa onghundana yoluhodi kumeme Nadula, vati Veino okwa xulifa. Manga tava ende mondjila, meme Nadula okwe mu pa okanepe kombike vati ngeenge okwe ka mane ota kala a pashuka nawa. Eshi va fika, meme Nadula okwa pula mukwao, opo a kufe mo oinima aishe i li monduda yoipeleki manga Kristine e li koilonga. Kristine ehokololo osho le mu hange kokapangelo naashi a ninga omakonakono okwa mona kutya Veino ina fya shili. Opa pita ashike efimbo lixupi ye Veino ote uya meumbo. Meme Lavinia okwa faduka po, ndele ta i keumbo.

Meme Lavinia nameme Nadula ova ifanwa koihokolola koomwene womukunda, ndele tava pulwa apa va tula oinima yovanhu, ashike meme Nadula okwe likala kutya ine i mona. Oinima osho ngaho ya ka monika ya hangika ya fililwa mokaanda kameme Nadula, ndele ta lombwelwa a fute oinima yovanhu.

- (a) Omushangi wehokololo eli okwa hala okuhonga shike ovadali kombinga youkwatya waLavinia? Yandja oitwa **ivali** ndele to koleke enyamukulo loye. [4]
- (b) Oshike tashi ku holole kutya okwa li pe na oukaume wa kola pokati kaVeino naDlamini mehokololo eli? Yandja oitwa **ivali** ndele to koleke enyamukulo loye. [4]
- (c) Omushangi okwa holola Veino omunyandi woukwatya wa tya ngahelipi mehokololo eli? Yandja oitwa **ivali** ndele to koleke enyamukulo loye. [4]
- (d) Tumbula omishingo **mbali** da longifwa komushangi mokweeta po ehokololo eli ndele to yandje yo oihopaenenwa. [4]
- (e) Yandja oitwa **ivali** tai ulike ekwatafano la li pokati kaNadula naLavinia mokambo aka. Koleka enyamukulo loye. [4]

[20]

ILE

4 Wanashipolo a ya nomwenyo mofuka ku T. N. Shakujungua

Hokolola nokuyelifa kutya omushangi okwa longifa ngahelipi oshitukulwa shopanghalafano, e tu etele pouyelele oukwatya waKalambi.

Shi ninga noitya **250 – 300**.

[20]

ETUKULWA C: EEDRAMA

Moshitukulwa eshi nyamukula mo epulo **limwe** alike la kufwa **mOmapumhumu taa yolele oulipamwe ku V. Munyika** ile mu**Mushakati waNelao kuEster Tweufiilwa Ndadi**.

5 Omapumhumu taa yolele oulipamwe ku V. Munyika

Onghendabala yaHilaria inai mu kwafa sha. Mateusa okwe mu livangeka. Naye ota kala a ninge ngakaume kaye Timo. Mateusa okwe shi yelifa nawa kutya ye okwa tumwa a ninge ashike oshinima shimwe, okulihonga. Pokati kookaume nelihongo ye ota kufa po shaxuuninwa. Hilaria naTimo ova yandja nale oshihopaenenwa shi nyanyalifa.

Kaume kaMateusa wedina Ndokosho, oye hanga a wile monhopo yomikalo daHilaria, ndele Mateusa te mu londwele. Hilaria okwa li e na okukonga kaume kaye umwe mongudu yaavo vape, opo tave uya. Ndi shii ava opo tava kondo, ohava kala shike va pwila mokuninga oukaume nakeshe ou te ya. Ondjila ei va ka enda nayo inai ke va kwafa vali opo va ka fike kekonaakono laxuunimwa lomudo. "Ove lilya po omusha," onghee ova li ve na okuya keumbo va ka teelete vo vaha aluke vali. Mateusa okwa li ashike ta dana olupapa eshi e shi uda osheshi oku wete naanaa eshi a dja mokanya konghoshi.

Timo eshi a fika meumbo ovakulunhu vaye okwe va lombwela kutya kofikola okwa tewa ko shaashi ovahongi kave mu hole. Okwe va hololela yo kutya Mateusa ye ina tewa ko shaashi ovahongi ove mu hole nefimbo limwe ohave mu pe oitwa ine i lihongela. Ovakulunhu vaTimo okwa li va handukila nai Mateusa, eshi a ningilila mo omona.

Ekonakono la ka fika. Mateusa okwe li pita ngoshito. Keumbo eshi a fika ko eenghuwilili opombada. Aveshe ova li va hafa molwonghundana ei iwa.

Kwinya kOmaonda opena yaTimo oya kala ngaho tai xulu ekala kokunyolela Hilaria, ndele nee eembapila ihadi aluka nande. Osha kala she mu limbilika unene shaashi okwa li ngoo ta diladila kutya, natango oye a fika po. Eshi ngaho Mateusa e uya po kefudo, Timo okwa kala a hala unene oku mu mona opo a pulapule kombinga yaHilaria.

- Liina:** Kaume, Timo owa uda tuu kutya omunafikola mukweni Mateusa okwe ya kefudo? Onde mu uda onguloshi ta tongwa kounona twa shakena navo ketambi.
- Timo:** Mmmm ... Mateusa ina pita natango mofikola shili? Ndele kashuude, a kula nee? Oku li mongapi mbela paife?
- Liina:** Kaanave kange, ame eengudu domeefikola ondi di shi peni? Onda udile ngoo taku tiwa vati oku li moseniyola ile omojuniyola walye.
- Timo:** (ta yolo) O, peni meme? Moseniyolo (ta yolo natango).
- Liina:** Oto yolo vali mukwetu? Ame oshiima onde shi udile ashike tashi

tongwa kuLusia eshi a li po pefudo a dja keefikola da kula kOrepabulika oko. Shiimba naMateusa ngee e ku udu kutya opo u li, ote uya ngaho ye mwene. Ame oitakumo ondi i shii nee peni mumwange?

Ofimbo Timo naina tava kundafana keumbo lavo nokulipula ongudu oyo Mateusa ta fikola muyo paife, ye mboli naMateusa kwinya okwa loloka ko nale a hala okumona kaume kaye Timo. Vo va shiive ngaho ve likutule moinama yavo yoshimati. Okwa lekela vambulavo opo a ka talele po kaume kaye Timo yaTitus.

- Mateusa:** Omu na tuu ovanhu meumbo omu? Yee, omo tuu mu li?
- Liina:** Heeno, omo ngaho tu li. *(kuTimo)* Timo omunhu oo ta popi oMateusa yaNdaafita oo.
- Timo:** Heeno, okwa fa Mateusa shili. Handi uya ndi ke mu tale. Hei, Mateusa, hamba oove to popi? Opo ngaa twa hangika kwa li hatu ku ... aayeyeyeyeye ...
- Mateusa:** Oye naanaa; we ya we ya, mumati mukwetu?
- Timo:** Nde uya kaume Mateusa. Ove opo ngaa u li kaume? To kondjo tuu nelongo wan?
- Mateusa:** Ohatu kondjifa ngaho kaume. Ai, ai, ai. Yee?
- Timo:** Heeno kaume Mateusa osho ashike osho. Oko ngaho twa li komadu oilumbu oko. Otwa li ngaho hatu tale omashini enongo ngee taa fe ongobe. Heeno kaume.
- Mateusa:** Onde ku efa nale Timo man. Oshikwashike mbela vakwee? Eembapila dange odo mbela da kala ihadi fiki kwoove ile oshike, mbela kaume?
- Timo:** Kaume onda li poilonga ya piyaana. Do vali eembapila dimwe mbela shilumbu oha kupula ngaho opo ndele ovanakombifa ovo voikadona yedu linya, walye kutya ohai di ningi ngahelipi. Ohai ka mona ashike eshi taku di omukanda woye umwe tau tanguna. Ndele naame onda kala nde ku djuulukwa shili kaume. Ou li nee mongapi paife wani?
- Mateusa:** Onda li mostanda 9, kokutya moseniolo. Paife nge handi ka shuna, omwenyo nge omo u li, ohandi ka tameka nee momatilika.

- (a) Omunyandi Hilaria okwa hololwa mo, omunyandi woukwatya wa tya ngahelipi moshinyandwa eshi? Koleka enyamukulo loye. [2]
- (b) Omushangi wehokololo eli **Omapumhumu taa yolele oulipamwe** okwa hala oku tu hongwa shike okupitila momunyandi Mateusa moshinyandwa eshi? Yandja oitwa **ivali** ndele to koleke enyamukulo loye. [4]
- (c) Oshike tashi ku ulikile kutya Mateusa okwa li omumati womikalo diwa? Shi koleka. [4]
- (d) Hokolola nokuyelifa oiningwanima ya holoka moshinyandwa eshi **Omapumhumu taa yolele oulipamwe**, ya eta pouyelele exuku loshinyandwa eshi. [10]

[20]

ILE

6 Mushakati waNeao kuEster Tweufiilwa Ndadi

Hokolola ngehe omushangi woshinyandwa eshi **Mushakati waNelao** a eta pouyelele exuku loshinyandwa shaye okupitila momudaninghandangala.

Shi ninga noitya **250 – 300**.

[20]

BLANK PAGE

BLANK PAGE

